

Savez općina i gradova Federacije Bosne i Hercegovine u okviru implementacije projekta “Jačanje kapaciteta saveza općina/opština i gradova u Bosni i Hercegovini” koji je finansiran od strane vlada Kraljevine Švedske i Švicarske, odnosno švedske Agencije za međunarodni razvoj i saradnju (SIDA) i Švicarska agencija za razvoj i saradnju (SDC) objavljuje:

J A V N I O G L A S

za dostavljanje prijava za članove/ice komisije za dodjelu novinarske nagrade Saveza općina i gradova Federacije Bosne i Hercegovine

I Uvod

Uspostavljanjem Nagrade za najbolji objavljeni novinarski članak ili prilog (radio ili TV prilog) sa lokalnog nivoa, Savez općina i gradova Federacije Bosne i Hercegovine kao krovne organizacije lokalne samouprave u Federaciji Bosni i Hercegovini, želi da potakne izvještavanje sa lokalnog nivoa i široj javnosti približi dobre primjere rada lokalne samouprave. U isto vrijeme, Savez ovom nagradom želi da podrži novinarski rad u informisanju javnosti. Za novinarsku nagradu će se moći prijaviti novinari i novinarka – autori i autorice novinskih članaka, radio i televizijskih priloga te novinske, radio i televizijske redakcije. U cilju selekcije i odabira objavljenog novinarskog članka ili priloga, Savez općina i gradova Federacije Bosne i Hercegovine formira komisiju od tri člana.

II Opis zadatka i aktivnosti

Zadaci članova i članica komisije su da kreiraju kriterije i način odabira pristiglih članka i priloga za nagradu, te da učestvuju na sastancima prilikom odabira kao i da uzmu učešće na završnoj svečanosti na kojoj će biti dodijeljene novinarske nagrade.

III Očekivani rezultat i vremenski okvir

Sveobuhvatni izvještaj o ocjeni pristiglih prijava novinarskih članaka i priloga, komisija je dužna dostaviti Savezu općina i gradova FBiH najdalje do 21.6.2023. godine do 16 sati.

IV Kvalifikacije

- Akademske kvalifikacije/obrazovanje

Fakultet društvenih nauka.

- Iskustvo

Najmanje pet godina radnog iskustva u oblasti rada u polju novinarstva ili angažmana u jedinicama lokalne samouprave.

V Ostalo

Zainteresovani aplikanti/ice su dužni dostaviti sljedeće dokumente/informacije kako bi dokazali svoje kvalifikacije:

1. Biografiju;
2. Motivaciono pismo sa referencom na relevantno prošlo iskustvo;

Rok za dostavljanje potrebne dokumentacije je **03.03.2023. godine.**

Potrebnu dokumentaciju dostaviti na adresu:

Savez općina i gradova FBiH

(Prijava za člana/icu komisije za dodjelu novinarske nagrade Saveza općina/opština i gradova FBiH“)

Musala 5/I, 71000 Sarajevo i putem mail-a

hazim@sogfbih.ba

Za dodatne informacije zainteresirani se mogu javiti na telefon broj: 033 216 502, kontakt osoba

je Hazim Okanović.

Nepotpune i neblagovremene prijave neće se uzeti u razmatranje.